



# Kenyataan Akhbar

## Press Release

### KEHIDUPAN LESTARI ADALAH KOMITMEN SELURUH RAKYAT MALAYSIA

19 Feb 2021, Jumaat

**BANGI** – Dato' Sri Tuan Ibrahim Tuan Man, Menteri Alam Sekitar (KASA) hadir sebagai tetamu undangan khas pada episod pertama siri kedua Green Talk, sebuah program terbitan MGTC sebagai satu platform diskusi mengenai industri hijau, alam sekitar dan mitigasi perubahan iklim dengan menemu bual mereka-mereka yang menyumbang kepada pembudayaan gaya hidup hijau selain bertujuan meningkatkan kesedaran kepada umum.

Dalam temubual yang disiarkan menerusi platform facebook dan youtube rasmi MGTC, beliau menekankan kesedaran perlulah bermula daripada dalam diri setiap rakyat Malaysia. Dan menyarankan sikap ambil tahu terhadap inisiatif yang digerakkan oleh kementerian dan agensi-agensi perlu diberi sokongan agar keberkesanan sesuatu program dapat dirasai.

KASA yang bertanggungjawab dalam hal ehwal alam sekitar telah mempergiat usaha dalam menangani isu-isu semasa yang melanda negara dengan memperhebatkan penguatkuasaan dan panduan yang bersepadu selain menerapkan teknologi moden dalam isu-isu pembasmian pencemaran alam sekitar.

Ujar beliau, “perkembangan ekonomi yang pesat di negara ini haruslah setara dengan kualiti alam sekitar. Dalam kita mendepani cabaran menjadi sebuah negara yang maju, pihak kementerian telah melaksanakan Hala Tuju KASA 2030 yang menggariskan kelestarian alam sekitar sebagai pembolehubah yang bukan hanya menjamin kebersihan dan kesejahteraan alam malah memberi penekanan keutamaan budaya hijau di seluruh negara.

“MGTC yang merupakan agensi dibawah naungan KASA telah melaksanakan beberapa inisiatif pembangunan teknologi hijau dan mitigasi perubahan iklim berikutan daripada ini seperti MyHIJAU yang bertujuan mengetengahkan produk dan servis perkhidmatan hijau tempatan sebagai pilihan utama didalam kementerian agar dapat dicontohi oleh yang lain.

Memberi maklum terhadap perkembangan mengenai isu pencemaran sungai, kementerian sedang berusaha melaksanakan *Code of Conduct* kepada semua perusahaan yang membabitkan semua aspek alam sekitar selain menaikkan kompaun yang tinggi bagi memberi hukuman seberatnya agar permasalahan ini tidak berulang.

**-TAMAT-**

## **Mengenai kami**

---

Malaysian Green Technology and Climate Change Centre (MGTC) adalah agensi dibawah seliaan KASA yang dimandatkan bagi memacu negara di dalam skop Pertumbuhan Hijau, Memacu Tindakan Mitigasi Perubahan Iklim dan Membudaya Gaya Hidup Hijau. Peranan utama MGTC adalah sebagai pemangkin pertumbuhan ekonomi hijau negara berpandukan Dasar Teknologi Hijau Negara (NGTP), Dasar Perubahan Iklim Negara (NCCP) dan Pelan Induk Teknologi Hijau (GTMP). Kesemua aktiviti MGTC adalah menjurus kepada pengurangan kadar pelepasan gas rumah kaca negara dengan sasaran pengurangan sebanyak 45% serta mensasarkan meningkatkan kadar KDNK daripada teknologi hijau sebanyak RM100 Billion dan penjanaaan peluang pekerjaan hijau sebanyak 230,000 menjelang tahun 2030.

### **Perhubungan Media**

Intan Syazwani Isa  
Head of Corporate Communications  
MGTC  
012-7023110  
comms@mgtc.gov.my